

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৫২৪৮

খোয়াই, ১৯ মার্চ, ২০২৪

লোকসভা নির্বাচন ২০২৪

খোয়াই জেলায় মোট ভোটার ২,৫৪,৪০১ জন

খোয়াই জেলায় ৬টি বিধানসভা কেন্দ্র রয়েছে। এরমধ্যে ২৪-রামচন্দ্রগাঁও (এসটি), ২৫-খোয়াই, ২৬-আশারামবাড়ি (এসটি), ২৭-কল্যাণপুর প্রমোদনগর, ২৮-তেলিয়ামুড়া ও ২৯ কৃষ্ণপুর (এসটি), ২-পূর্ব ত্রিপুরা (এসটি) সংসদীয় নির্বাচনী ক্ষেত্রের অন্তর্গত। এই লোকসভা আসনে আগামী ২৬ এপ্রিল ভোটগ্রহণ করা হবে। আজ বিকেলে খোয়াই জেলার জেলা প্রশাসনের কনফারেন্স হলে এক সাংবাদিক সম্মেলনে জেলাশাসক তথা জেলা নির্বাচন আধিকারিক চান্দনী চন্দ্রন একথা জানান। সাংবাদিক সম্মেলনে জেলা নির্বাচন আধিকারিক জানান, খোয়াই জেলায় মোট ভোটার রয়েছেন ২ লক্ষ ৫৪ হাজার ৪০১ জন। এরমধ্যে পুরুষ ভোটার ১ লক্ষ ২৭ হাজার ৭৩১ জন, মহিলা ভোটার রয়েছেন ১ লক্ষ ২৬ হাজার ৬৭০ জন। জেলায় ভোটগ্রহণ কেন্দ্র রয়েছে ৩০৭টি। এরমধ্যে ১৩টি ভোটগ্রহণ কেন্দ্রে ভোটগ্রহণ প্রক্রিয়া মহিলাদের দ্বারা, ৬টি পোলিং স্টেশনে ভোটগ্রহণ প্রক্রিয়া দিব্যাঙ্গজনদের দ্বারা পরিচালিত হবে। এছাড়া ১৩টি পোলিং স্টেশনকে মডেল পোলিং স্টেশন হিসেবে ঘোষণা করা হবে। জেলায় বিভিন্ন স্থানে ১৮টি নাকা পয়েন্ট থাকবে। সাংবাদিক সম্মেলনে উপস্থিত ছিলেন জেলা পুলিশ সুপার ড. রমেশ যাদব, এসডিএম অভিজিৎ চক্রবর্তী প্রমুখ।

\*\*\*\*\*